

मायंनि मुंदांखा अजा

अनलायनायखौ मोनफिनाय, मोजां मोन्नायजों जुलि जानाय, बिसि-फिसाइनि गेजेराव गोरोबलायै, साखिनि जेंना, गावस्त्रालायनाय, फिसा मोनै, सुथुरनिफ्राय जानगाराव थानाय, धोन/लटारि बायदि बायदि जेंनानिफ्राय रैखा मोनो एबा जानगारआव थानो थाखाय खेबसे फन खालामनानै सुबुरुन लादो। बयजोंबो मिथिजानाय राजमुहिनी ताबिज

जगाजग खालाम: 8812007693।

BODOSA ★ A Bodo News Daily ★ Wednesday ★ 26 March, 2025 Kokrajhar, BTC, Assam ★ Vol.- 35, Issue No. 3 ★ R.N.I.Regd.No.40994/91, Assam Govt.Regd.No.IPRD.40/2006/3, Rs.8/-

राइज्यो बेंगिरिया एनसिसि एनइआरनि बान्था राननाय हाबाफारियाव बाहागो लादों

साबसिन केडेट, सोलोंथाइ फसंथान आरो एनसिसि मावफारियाफोरखौ मान बाउदों

गुवाहाटी, 25 मार्च: आसामनि राइज्यो बेंगिरि लक्ष्मण प्रसाद आचार्यआ दिनें ६ बानी कान्ता काकति सावराय न'ब्लाडव एनसिसि सा-सान्जा ओन्सोल (एनइआर) नि बोसोरारि बान्था फोर्बोआव बाहागो लायो। बे हाबाफारिया बोसोर 2024-25 माइथायनि थाखाय गासै मोनसि बिब'-बिनानाय राइज्योफोरनि केडेट, सोलोंथाइ फसंथान आरो एनसिसि मावफारियाफोरनि साबसिन मोनफुनायफोर आरो बिहोमाखौ फालियो। बे



फालिथाइयाव राइज्यो बेंगिरि आचार्यआ बान्था मोनगिरिफोरखौ गावसोरनि बाउसोमनायनि थाखाय बाख्नायो आरो बुडोदि एनसिसि केडेटफोरा हादतनि गोहो, जाय जेब्लाबो आबुथि, साहस आरो सिबिनायनि गोसोर्जो हादत दानायाव बिहोमा होनो थाखाय गावसोरनि थियारिखौ दिन्थियो। केप्टेन विक्रम बत्रा, लेफ्टिनेन्ट उमर फैयाज बायदि दैदेनगिरिफोरखौ (□ 6 बिलाइआव)

गसाइगावनि लेफ्टेनेन्ट बर्ण बिजय बसुमतारिआ एनसिसिनिफ्राय बान्था मोन्दों

गसाइगाव, 25 मार्च: हादतनि लाइमोन जोलैनि गेजेराव हादत मोजां मोन्नाय आरो हादतखौ सिबिनायनि सान्नाय-हनायखौ जाखां होनायनि थांखिजों फरायसालि आरो फरायसालिमाफोरनि बिसायख' जानाय फरायसाफोरखौ लानानै दाजानाय माहारियारि फरायसा हान्जा सुंद'यै एनसिसिनि सा-सान्जा ओन्सोलनि बान्जायनायाव दिनें गुवाहाटीआव खुनाय बोसोरारि बान्था गथायनाय हाबाफारियाव आसामनि जानानै हौवाफोरनि दालायाव साबसिनथार हेफाजाबगिरि एनसिसि बिबानगिरिनि बान्थाखौ



गसाइगावनि थागिरि लेफ्टेनेन्ट बर्ण बिजय बसुमतारिआ मोन्नो हादों। दिनें गुवाहाटीनि पान्जाबारियाव थानाय शंकरदेब कलाक्षेत्रआव साननि 10:45

रिंगानिफ्राय खुं नाय हाबाफारियाव लेफ्टेनेन्ट बर्ण बिजय बसुमतारिआ आसाम सरकारनि मन्थि नन्दिता (□ 6 बिलाइआव)

अरांआव उद्यगगिरि आरो इनभेस्टरफोरनि सावराय खुंदों



उदालगुरि, 25 मार्च: उदालगुरि जिल्लानि अरांआव बिटिसि सरकारनि उद्यग आरो इनभेस्टरफोरनि मोनसे सावराय मेल जथुमनाय जायो। उदालगुरि जिल्ला खुंथायनि बान्जायनायाव आरो एनआरडिएस मेनेजमेन्ट प्राइभेट लिमिटेड आरो उरां फालांगिरि आफादनि हेफाजाबाव अरांआव लक्ष्मी मन्दिरनि लांगोनायाव बे मेलखौ खुं नाय जायो। मेलव माजबात खाजोना बेंखन बिबानगिरि सुजाता गस्वामी, अरां पिडब्लिउडिनि (□ 6 बिलाइआव)

बासका सोलोंथाइ खोन्दोआ दान सोलोंथायारि बोसोरनि बेसेननाडै फरा-बिजाब रान्दों

1 एप्रिलनिफ्राय मोनफ्रोमबो फरायसालियाव थाखोआ जागायगोन

सालबारि, 25 मार्च: बाक्सा जिल्लानि मुसलपुरआव बासका ब्लकनि सिखव थानाय सरकारि फरायसालिफोराव दिनें गोदान सोलोंथायारि बोसोर 2025-26 इ माइथायनि बेसेननाडै फरा-बिजाब रान्नाय हाबाफारिखौ बेखेवनाय जायो। आजिरा मोन्नाय फोरोंगिरि भबेन रयनि मेल सामलाइनाय बे हाबाफारियाव आलासि महर् नुजाथिदोंमोन बाक्सा जिल्लानि फरायसालि नायदिगिरि जेहेरुल



कलबारि रामचरण ठाकुर आता सत्रआव 93थि पालनाम फोर्बों आरो बिनाम गौमा खुंनो

साखा-फरा

भबानिपुर, 25 मार्च: भबानिपुरनि साखाथि शंकरी हारिमुखौ बिजिरथाय सावरायग्रा आरो दिन्थिन्यायजों जौगाखानाय कलबारि गामिनि जारिमिनारि श्रीश्री रामचरण ठाकुर आता सत्रआव खुंजानो गोनां 93थि पालनाम फोर्बों आरो बिनाम गौमा फालिनो साखा-फारनि सोमोन्दै दिनें (□ 6 बिलाइआव)

बाक्सा जिल्लानि बागानफारा जपादंआव इडपिपिएल दोलोनि जयनिं हाबाफारि, बिपिएफनि सा 100 नि बांसिन सोद्रोमाफोरा इडपिपिएल दोलोआव हाबदों

सालबारि, 25 मार्च: बाक्सा जिल्लानि 25 नं. बागानफारा बिटिसि बियाबनि आवथायाव थानाय जपादंआव इडपिपिएल दोलोनि मोनसे गेदेर जयनिं हाबाफारि जानानै थाडे। बिटिआरनि गाहाइ खुंगिरि प्रमद बर'नि दैदेन्यायजों बिटिआर हालामाव सानफ्रोमबो गोबां सुबुंफोरखौनो इडपिपिएल दोलोआव जयनिं जाबाय (□ 6 बिलाइआव)



आसाम आइन आफादनि लेडइ बुंथिगिरिखौ गाग्लोबनाय जाथाय

उदालगुरि जिल्ला बिजेपि जनजाति मर्चाआ हेंथा सोमावसारदों



उदालगुरि, 25 मार्च: भारतीय जनता पार्टी (बिजेपि) उदालगुरि जिल्ला अनुसचित जनजाति मर्चानि बान्जायनायाव दिनें हेंथा सोमावसारनाय हाबाफारि खुंदों। मख'नो गोनांदि, बावैसो सान सिगां आसाम आइन आफादनि लेडइ बुंथिगिरि डा: नमल ममिनखौ कंग्रेस दोलोनि एमएलएफोरा (□ 6 बिलाइआव)

आसाम साहा मावफारिया आफादा मुजिरा रां बारायनायनि थाखाय राइज्यो नाडैनो सोमावसारगोन

डिब्रुगड, 25 मार्च: आसामाव साहा बागाननि खामानि मावग्राफोरखौ थान्दैथि खालामग्रा गाहाय आफाद आसाम चाह मजदुर संघआ (एसिएमएस) एप्रिलनि गिबि सप्ताहनिफ्राय मुजिरा रां बारायनायनि दबिजों राइज्योनाडे हेंथा सोमावसारनो फोसावो। डिब्रुगडनि एसिएमएस मिरु मावख'आव खुंजानाय मोनसे खौरांगिरि मेलव, एसिएमएसनि



आफादगिरि पबन सिंह घाटवारआ बुडोदि, 'जों साहा बागाननि मावफारियाफोरनि थाखाय सानफ्रोमबोनि

बाडयसिन मुजिरा 351 रां दाबिनानै एप्रिलनि जागायजेन्नायाव राइज्योनाडे (□ 6 बिलाइआव)

चिरांआव गिखंथाव अर खामनायनि जाहोनाव माखासे न'-बां सेवहांगार



काजलगव, 25 मार्च: मोनसे गिखंथाव अर खामनाय जाथाया समबारखालि चिरां जिल्लानि बिजनी महकुमानि सिखव थानाय 4 नं साउथ माक्राआव सोमजियो। समबारखालि हरनि समाव अर खामनाय जाथायनि जाहोनाव ओन्सोलनि थागिबिफोरनि गोबां न'-बांफोरा खामनानै सेवहांगार जायो। अर खामनाय जाथायाव गनै नख'रनि न'-बांजों लोगोसे फिसिनाय जिब-जुनातफोरबो खहा जायो। अर खामनाय (□ 6 बिलाइआव)

रांखान्थि बिल-2025 आ लक सभायाव थामजिबा सोदांनायजों पास जाबाय

गोदान दिल्ली, 25 मार्च: रांखान्थि बिल-2025 खौ दिनें लक सभायाव थामजिबा सोदांनायजों बारहोनाय जायो। बेफोरनि गेजेराव अनलाइन फोसावनायफोराव 6 जौखोन्दो डिजिटेल खाजोनाखौ फोजोबनाय जादों। दायो बेखौ राइज्यो सभायाव दिन्थिन्याय



कक्राझार जिल्ला बर' मावफारिया आफादनि बान्जायनायाव जात्रा गानखौ फिन फोथांना लाखिनो 'आलाइसि' मुंनि फावथिना दिन्थिफुंदों

कक्राझार, 25 मार्च: गोदान मुगानि गोखै थासारियाव मैया गुबुन गुबुन हारि-हारिसानि आरिमु-हारिमु, राव-थुनलाइ जर'खायै फिसा-फिसा आरो आथिखाल समाव धोन गोनां हारिमुआ गोमालांनो हर्मदों। जर'खायै मुलुगनाडे आरो गोदान मुगानि फोरमायथि-बिरोंदामिनजों बादायलायनो हायैआव गुबुन गुबुन हारि-हारिसारि

आरिमु-हारिमुआ गोमालांदों। बेनि गेजेरावनो मख'जाथाव महर् गुबुन गुबुन सुबुं हारिमुआ दंफायो। बे सुबुं आरिमुफोरनि गेजेराव आसामनि जात्रा गानआ आथिखालनि समाव गोदो-गोदायनि महर् मोन्नायनि लामायाव। मोनसे समाव आसामनाडे जात्रा गान एबा जात्रा पार्टिनि गेजेरजों गामि (□ 4 बिलाइआव)

सुजुगिरिनि खोलोम

औवानि गोनांथि आरो बर' हरिमु

बर'याव फंसे राव दड- उन्दैयाव सि गानो, देरोब्ला लंथं जायो-। औवा। बर'नि जिउ खुंनायाव एंगारजायै मुवानि गेजेराव औवानि बिहोमाया बयनिबो गोजौसिनाव। बेखायनो बुंनोबो हागौ बर'फोरनाव औवानि हरिमुवा एग्रे-बेग्रे। बाथौ थानसालि दुमनायनिफ्राय लानानै ओंखि जानाय मेवाइ, न'बां लुनाय जेरावबो औवा नडब्लानो राहा गैया, औवा गैयाब्लानो बर'नि राइजो जानांगौया आस'खान्दा।

ना सानो सेन, खखा, थर्खा, सेन्द्राय, जेखाइ, खबाइ, बोरसि दान्दा; मैहरनि थाखाय जं-बौला, सिबनो-सालिनो थाखाय संग्राइ, सान्दांगा, सान्द्रि, लामनाय-बिरनाय-बान्नायनि थाखाय दाहा, हुखेन, बावखा, बाथि, हासिनि, संनाय-एरनाय खुरन्नायनि थाखाय बन, खादौ, सांगं, दानाय-लुनायनि सोरखि, दाडनाथा, बौदांगि, गनसि, सेवारि, खादिनि, खुन्थिया, रासो, न'बां लुनायनि खुन्थिया, फेराइ, थेवयोल, खाथिमाल, रोजाबनाय मोसानायनि थाखाय हाखाउ, सिपुं, बिडि जेरावबो जैरैबो औवानि गोनांथि दं बर'नि राइजो जानायाव। बेनि अनगायैबो नाफाम हासुं, नो हासुं, लावथि, दान्दा, थखन, लोरगि, जान्था, लावथाय, खादा, आबै दांगि, जेवरा, जांख्ला, मै-जुंगाल-दांगुर, बैसां जेरावबो औवानि गोनां जायो।

गथ' जोनोमनि उनाव उथुमाय हास'नाय खाथिनिफ्राय गोथै बानगारनाय समसिम औवा नडब्लानो बर'नि हरिमुया आबुं महर नुजाया।

औवानि बेफोर गुन आरो गोनांथिखौ नाइनै आधिकालाव औवानि आबाद खालामनो जोथोन लानांसिगौ। औवानि बेसेन बारायग्लाबनो लानायाव बारिनि औवा सुबाखौ दानग्लुनानै लांदां खालामनो लानायाव जौनि ओन्सोलनि गामिफ्रा औवा बारिजौं ग्रोम ग्रोममोनब्लाबो आंखाल नुजाहांबाय। बेखायनो औवानि गोनांथिया बर' हरिमुयाव गोनांथार नोजौरै आरो फालांगियारि बिथिडै औवानि आबाद खालामनाय आरो थाखानाय बारिखौ जोथोन लानांगौनि सम सौफैबाय। दासान्दि जौगा जोलैनि औवा जोलै लाबोनानै सरकार बिथिनिफ्राय औवा बागान खालामनायनि थुलुंगाबो होदों औवानि गोनांथिखौ नायनानै।

बेराफासै इयुन जोलैनो बर'नि औवा हरिमु आरो राइजो जानायनि आदोब आखुनि रेसखौ गालांनो बर'साफोर बाहायग्रा औवानि आइजें-आइला हेबनाय-दान्नायनि ट्रेइनि सेन्टार गायसन्नायनि गोनांथि दंसै।

दिनैनि फान्जामुथि

राशि बाइदियै मुंनि गिबि हांखो

मेषः अ ल बृषः ऊ ब (उ ए इ) मिथुनः क छ (ड घ) कर्कटः ड ह सिंहः म ट कन्याः प ट (ण ष) तुलाः त र बृश्चिकः ब न धनुः ध भ (ढ़ फ) मकरः ख ज कुम्भः ग श (स) मीनः द च (ख ञ झ)

- 

मेघः खामानि लानानै दावबायदोंब्ला जाफुंनाय नडा। गोसो हमथानानै थानांगोन।
- 

बृषः माखौबा लानानै गिखानाय मोन्नो हागौ। गोसोखौ लोरबां लानो नाडा।
- 

मिथुनः जेखि जाया शुभ खामानि मावनानै लानो हागोन। बे राशिनि थाखाय गाहाम सान।
- 

कर्कटः देहायाव सानाय-सुनाय बेराम सिखांनो हागौ। सांग्राडै थानाया गाहाम।
- 


सिंहः बायदि रोखोमनि सुजुग-सुबिदा मोन्नायनि आसा दडा। गोजोन्नाय मोनगोन।
- 

कन्याः सान्नाय आसाफोर दडबा जाफुंसारगोन। गोसोखौ गोजोन मोनगोन। मोजां सान।
- 

तुलाः जैरेबो रंजा-बाजा खालामनो हागोन। गोजोनै सम बारहोनो हागोन। मोजां सान।
- 

बृश्चिकः मानिबा दुखुआव गोम्लैनो हागौ। गोसो हमथानानै सोलिनगोन।
- 

धनुः माबा मोनसे मुवा-बेसाद मोन्नो हागोन। गोसोखौ गोजोन मोनगोन। मोजां सान।
- 

मकरः बिखा सानाय सिखांनो हागौ। देहाखौ सांग्राडै लाखि। गोसोखौ शान्ति मोन्नाय नडा।
- 

कुम्भः जेखियानो मावा फालांगिरिनि थाखाय गाहाम सान। मुलाम्फा आरजिनो हागोन।
- 

मीनः खामानि मावनो बानाय अलसिया आखुनि जानो हागौ। सान्नाया फेलें थानो हागौ।

राइज्योआव पेन्सन यजनाखौ मावफुडै नि सुप्रिम कर्टआ पान्जाब सरकारखौ सौखारिदों

गोदान दिल्ली, 25 मार्चः समबारखालि सुप्रिम कर्टआ पान्जाबआव 1996 नि पेन्सन मुलाम्फा यजनाखौ गोहोम गोनां खालामनायाव पान्जाब सरकारनि रोखायै हाबाफारि मावैनि सायाव गोखौं अजद होदों। जास्टिस अभय एस अका आरो उज्जल भुइयांनि बेन्सआ बुंदोंदि, जुदि राइज्यो सरकारआ बे यजनाखौ गोहोम गोनां खालामनायाव फेलें जायोब्ला कर्टआ गावनो मुलाम्फागिरिफोरसो मुलाम्फाखौ

हादतगिरि ट्राम्पआ भेनेजुएलानिफ्राय थाव बायग्रा हादतफोरनि सायाव 25 जौखोन्दो टेरिफ फोसावबाय

वाशिंटन, 25 मार्चः आमेरिकानि हादतगिरि डनाल्ड ट्राम्पआ भेनेजुएलानिफ्राय थाव आरो गेस बायनानै लांग्रा हादतफोरनि सायाव गोखौं टेरिफ जाबसिन्धो फोसावबाय। बेफोर हादतनि सायाव 2 एप्रिलनिफ्राय 25 जौखोन्दो टेरिफ जाबसिन्नाय जागोन। अदेबानि आमेरिकानि थाव दिहुनग्रा कम्पानी सेबरननो माखासे रेहाय होनाय जादों। ट्राम्प खुंथाया बे कम्पानीनो भेने जुएलायाव गावनि खामानिफोरखौ फोजोबनायनि जोबथा अक्ट'खौ फोलावना होयो। सिगाडव आमेरिकानि ट्रेजारि बिफानआ सेबरन कम्पानीनो 30 साननि सम होदोंमोन। भेनेजुएलानिफ्राय



थाव बायग्रा हादतफोरनि सायाव टेरिफ फोसावनायजों भारत आरो चीन बायदि हादतआवबो गोहोम गोम्लैनो हागौ। भेनेजुएलानि सरकारआ आमेरिकानि हादतगिरिनि

बेबायदि गोदान थांखि लानाय एबा गाग्लोबनाय नोजौरै थांखि लानायखौ गनायनाय नडा होन्ना बुडो। बेबादि थांखिया गावनि गोसो बादियै, आइन बेरेखा आरो नारसिन्ना होनाय बायदि

होन्नाबो बिथाडा बुंदों। हादतगिरि ट्राम्पआ गावनि टुड सशेल पेजआव मोनसे पस्ट होनानै भेनेजुएलानिफ्राय थाव बायग्राफोरनि सायाव नैथि खोलोबनि टेरिफखौ 2 एप्रिलनिफ्राय गोहोम गोनां खालामगोन होन्ना बुंदों। समबारआव बिथाडा खौरांगिरिफोरनि सिगाडाव गोदान टेरिफआ आथिखालनि टेरिफनिफ्राय आलादा जागोन होन्नाबो बुंदों। बिथानि टेरिफ जाबसिन्नायनि थांखि फोसावनायनि उनाव थावनि बेसेना 1 जौखोन्दो बांदों। चीननि आनगायै भारत, स्पेन, इटली आको क्युबा बायदि हादतफोरबो भेनेजुएलानिफ्राय थाव बायो।

सिक्किमनि जिआइ टेग मोन्नाय डाले बानलुखौ सलमद्वीपफोराव दैथाय हस्टों



गुवाहाटी, 25 मार्चः सिक्किमनि जिआइ टेगआव जायगा मोन्नाय डाले चिलीनि मोनसे शिपमेन्टखौ सलमनद्वीपफोराव दैथायहरबाय होन्नानै मोनसे मावख'यारि फिन्नाय फोसावदों। जोबोद गोसा, गोजा गाब आरो गोजौ थाखोनि पषण तत्वनि थाखाय मुंदांखा डाले चिली एबा बानलुखौ फायार बल चिली

एबा डाले सुरसानीबो बुंनाय जायो। बेयाव भितामिन ए, सि आरो इजों लोगोसे पर्टेसियामबो थायो। समबारआव दैथायहरनाय बानलुआ 15,000 कि:ग्रा:। बेखौ मेवेदोरआ खोला सिक्किमनि आबादारिफोर आरो आबादारि आफादफोर (एफपिअ) निफ्राय मोन्दोंमोन। आबादारिफोरा बे बानलुखौ कि:ग्रा:आव 250-300 रं

प्रिमियाम प्राइज मोन्नो हायो, जायनि बेसेनआ सरासन्सा बाजारआव 180-200 रं/कि:ग्रा:निबो बांसिन। बे बेसेन बांनानयनिफ्राय जिआइ युभडनि रंखास्थि मुलाम्फा आरो इन्टारनेसनेल फालांगिआ जौगाखांगोनखौ सोराडाव लाबोयो। जिआइ लेबेलआव जर'खा दिहुन्थायफोरनि गुन आरो जर'खा गुनखौ रैखाथियै

लाखियो आरो बे थांखिआ सिक्किमनि आबाद दिहुन्थायखौ मुलुगनां बाजारआव बांसिनै जायगा मोन्नायखौ दिन्थियो। डाले बानलुखौ जाफुंसार एक्सपर्ट खालामनाया जायगानि आबादारिफोरनो रंखास्थियारि मुलाम्फा मोनहोयो आरो सिक्किमनि इन्टारनेसनेल गोहोमखौबो बांहोयो। मख'जाथावदि, मेघालयनि जर'खा हाइजेंआ बे दाननि जागायजेन्नायाव दुबाइ बाजारआव सौहैयो आरो हरिमायारि सिनायथि मोन्नो हायो। गिबि मन्थि कनराड के सांमाआ एक्स एकाउन्टआव बे जाफुंसारनायखौ शेयार खालामदों आरो राइज्योनि आबाद दैथायहरनायनि थाखाय बे माइल खुन्थियानि गोनांथिनि फासै नोजोर होदों। दुबाइ बाजारआव हाबनायनि जागायजेन्नायखौ सा 8 मेघालयनि आबादारिफोरजों जागायदों।

मणिपुर पुलिसआ गारि खावग्रा हान्जानि सानै सोद्रोमाखौ ग्रेप्टार खालामदों

इम्फल, 25 मार्च :मोनसे अपारेशनआव मणिपुर पुलिसआ खोला थौबल जिल्लायाव थांनाय 72 घन्टानि गेजेराव मोनसे सिरिजनि नेम- खान्थिनि गेजेरजों सानै सन्देह' खालामथाव गारि खावग्रा हान्जानि सोद्रोमाफोरखौ ग्रेप्टार खालामदों। पुलिसआ समबारखालि लिलं पुलिस स्टेशननि सिडव थानाय लिलं उकु मनिनिफ्राय 27 बोसोर बैसोनि एमडि मेहताखौ ग्रेप्टार खालामदों। 26 बोसोर बैसोनि भिरैमयुम नादिमखौ सोंथि खालाम खांनायनि उनाव ग्रेप्टार खालामनाय जादों। अपारेशननि गेजेरजों



पुलिसआ गंसे साखा खबत्रै गारि खावनायखौ बोखांनो हादों। संगालि खौरां मोन्नायखौ बिथा खालामनानै पुलिसआ औरैबायदि मोनसे

अपारेशनखौ जागायदों आरो लिलं चिंखाम तामयाइ लेइकाइनिफ्राय नदिमखौ ग्रेप्टार खालामनो हादों। सानैबो सुबुडा मोनसे गारि

खावग्रा हान्जानि सोद्रोमामोन। हान्जानि गुबुन माखासे सोद्रोमाफोरा खारखुमानानै दं आरो पुलिसआ बिसोसखौ हमनो थाखाय नायबिजिसासिनो दं।

होगोन। माखासे गोबां खाबुफोराव मावफुंनायनि खोथा होनायनि उनावबो पान्जाब सरकारआ बे आयदाखौ मावफुंनायाव फेलें जादों। बेनि थाखाय राइज्योआ फिन्नाय होनांगोन, राइज्यो सरकारआ कर्टनि बिथोनखौ लानानै माबादि हाबाफारि मावदों बेखौ गोखौं नोजोर होनाय जागोन। राइज्योआ कर्टखौ थगायदों आरो राइज्योनि जायखि जाया बिबानगिरिनि सायाव

फोथायनो हाया होन्नाबो बिजिगिरिया बुडो। बे केसनि उननि हियारिंआ फैगौ 1 एप्रिलआव जागोन होन्ना थि खालामनायबो जादों। मख'जाथावदि, हाइ कर्टआ थांनाय 5 मार्चआव पान्जाबनि गाहाइ नेहाथारिनो 1996 नि पेन्सन मुलाम्फा यजनाखौ गोहोम गोनां खालामनायाव फेलें जानाय आरो बेखौ सोलि होनायाव हाबाफारिनि नेम-खान्थिखौ सिमफायनायनि थाखाय नटिस फोसावदोंमोन।

NAME CORRECTION

I, **SUFIA KHATUN**, aged about- 49 years, D/ O. Late Sekendar Ali Mondal, by nationality- Indian, a resident of Village- Mokrapara, P.O. K/Bhotgaon, P.S. & Dist.- Kokrajhar, BTR, (Assam), PIN No.- 783370, do hereby solemnly affirm and declare as follows:-
1. THAT, I am a citizen of India by birth and a permanent resident of the above noted address.
2. That my actual/correct name and title is **SUFIA KHATUN**, which is recorded in my **Aadhaar Card, vide card No. 7608 8306 9679** and other relevant documents.
3. That, in the Land document covered by **Patta No. 448 & Dag No. 624**, situated at **Village- Mokrapara** under Kokrajhar Revenue Circle, Dist- Kokrajhar, BTAD, (Assam), which is recorded in my name, wherein my surname has been recorded as **SUFIA BIBI** in place of **SUFIA KHATUN**.
4. That, I do hereby declare that **SUFIA KHATUN** and **SUFIA BIBI**, is the same and one identical person who is none other but myself.
5. That, this declaration is sworn by me to ascertain the facts as stated above and to submit it before the concerning authority to avoid any confusion regarding my surname and for doing needful act accordingly.
All the statements made above are true to the best of my knowledge, belief and information and nothing has been concealed therein.
Name: **Sufia Khatun**
Vill: **Mokrapara**
P.O.: **K/Bhotgaon**
P.S. & Dist.: **Kokrajhar**

NAME CORRECTION

I, **SAFURA BEGUM**, aged about- 55 years, D/O. Late Sekendar Ali Mondal, by nationality- Indian, a resident of Village- Mokrapara, P.O. K/Bhotgaon, P.S. & Dist.- Kokrajhar, BTR, (Assam), PIN No.- 783370, do hereby solemnly affirm and Reclare as as follows:-
1. That, I am a citizen of India by birth and a permanent resident of the above noted address.
2. That, my actual/correct name and title is **SAFURA BEGUM**, which is recorded in my **Aadhaar Card, vide card No. 5841 8791 7169** and other relevant documents.
3. That in the Land document covered by **Patta No. 447 & Dag No. 623**, situated at **Village- Mokrapara** under Kokrajhar Revenue Circle, Dist- Kokrajhar, BTAD, (Assam), which is recorded in my name, wherein my surname has been recorded as **SAFURA BIBI** in place of **SAFURA BEGUM**.
4. That, I do hereby declare that **SAFURA BEGUM** and **SAFURA BIBI**, is the same and one identical person who is none other but myself.
5. That, this declaration is sworn by me to ascertain the facts as stated above and to submit it before the concerning authority to avoid any confusion regarding my surname and for doing needful act accordingly.
All the statements made above are true to the best of my knowledge, belief and information and nothing has been concealed therein.
Name: **Safura Begum**
Vill: **Mokrapara**
P.O.: **K/Bhotgaon**
P.S. & Dist.: **Kokrajhar**

‘सुंद’ सल’

मुष्टि अरुन वसुमतारी

बोसोरथाम उनावसो खेबसे सुटि लानानै न’आव फैदों गोमसारआ। बियो फौजि रौनिआनि साख्रि मावयो। दा बियो मनिपुराव दङ। साख्रिआव हाबहै जेन्नायजों दिनैसिम बोसोरबाया बाबेन लांबाय। खुन्थाम खुन ब्रै मेट्रिक फेल जानानै जैरेबो जाथारैनि फौजि साख्रि नाइगिरनाया थाखि थुखि पुलिसआव हाबनो मोनो।

न ख’र िन हालसालफ़ा। बारा मोजां नंखायैलाय गोलाव बोसोर रां ज’थायनानै ऐबार फेगासेयावनो गुलि गर्सेजों मोननै सिखार खालामनायनि थांखि जों गोमसारआ ब्रै दाननि सुटि लानानै फैखादों। से नं थांखिया गंसे मोजां न’लुनाय। नै नं थांखिया सासे अखालै, गियानै, महरै नख’र बेंग्रा मोजां हिन्जाव जुलि खालामनानै गालांनाय।

न’ लुनायनि हाबाया गेजेर नांबायआनो। बारा गोबाव सम नंनाय नंलिया। जेंनाया जाहैबाय बेसो, सोर सिख्लाखौ दावरा मावरा मोनब्रबनो। गोसो थोनाय बोसो गैखाया। मालाय दानि मुगायाव बांसिन सेंग्रा सिख्लाफोरहानो बिगोमा गोनां जोबखासै। जायफोर आग्लाय फिर्लाय सिख्लाफोरहानो बिगोमा गोनां जोबखासै। जायफोर आग्लाय फिर्लाय थादों बिसोरबो सोरबा बेराम आवला सोरबा महर गैजायै, सोरबा आखल गियान गैयैफोरल’सो थासै। बेखायनो खोब सिन्था खालामनो जाबाय गोमसारा हिन्जाव मोनब्रब नांगौखौ बिबाजैयाबो गावजों मिलायनानै जाफैनो हानाय बिजाव जालि खौसो गावनो नागिरनानै होफैनो सान्दों। बिमा बिफायाबो गावसोरनो नायजोर–नायजोर आखबाव जोनाय जोनाय बिहामजोखौ लायनानै होफैनो लुबैदों। नाथाय गोमसारआ बारा साबजानाय मोनाखै मालायनि मेगनजों लायनाय हिन्जावखौ। बियो सानदों रायजोखौ गावसो जागोन ज’खन थैस’ थांस’ जिउनि लागिरिखौ गावनि मेगनजों गावनो फसायफ्लेनाय सिख्लाखौसो जुलि लागोन। बेखायनो बिबाजै आरो बिमा बिफा मोनखौ गावनो लायना लाफैगोन होनना हिन्जाव नाइगिरनो माना खालामदों।

गोर्बो सिङावनो फिर–फिर नायगिरबाय बियो, सोर बायदि सिख्लाआ गावजों समायगोन। सौग्राव फाबाय,, देबोरनाफै बाय गोबां सिख्लाफोरनि मुं आरो महरफोरा फारि फारि।गासैबो साफा साफा रिजेक खालामबाय। जोबथार नायाव सायख’ जाहै बाय सिख्लाया। मुङ बनि संगिना।

माबा अरखेनाय गोनां बायदि गावनो हारसिङे खे खे मिनिनानै बुंबाय। थोत् फाफ्ला खर’ गात्रिसो। गावनि बिनानाव खौनो!! हामगौ बायदि!!! बेखायनोसो देखँगिरिफोरजों मेथाइ रोजाब जामारोसो सोरखा–सोरबाफोरा।

मालाय नङा संगिनाया गावनि बिसिगि मिथिसारनि बिनानावसो। गावनिनो बिनानाव। बिखौनो सोरबा सानफोनांदों। खालाम फिनबाय बेखौबो रिजेक।

खेबसे गोदानै

शैनायनि उनावबो खेबसे रायजो जाफिनो

नायगिर बावबाय बियो गोर्बो सिङावनो। ओइबार बियो मिनिस्रांबाय। खुसिनि खेबसे गोथाव हां बोबाय। गोर्बोजों माबा नागिरनाया मोननाय बायदि मोनबाय। बिबो गोजानै सोमोन्दो जानाय नङ बिसिगिनि बिनानाव संगिनानि बिलोगो मुङ बनि फुंबिलि। जैरे मुं एरै महर मोखां। ओंखार जेन्नाय सान गोर्लै बायदि जारां गुफुर गावदां। बिजों गोदो बिसिगिनाव आलासि जाहैव्ला गुलि–गुलि रायज्लाय बोनो मोनबोबाय। बिसिनाव खेबसे आलासिबो जाहैनो मोनखांबाय। थिक खालामबाय बिसिगि मिथिसारमोननि सिम थानानै सुलाद लाहैनो। आरो बै समाव बिसिगिनि खर’ आबो थिख गैया बिख गैया जाबायमोन। बेखौबो माबोरै दङ सुलु लाथाव थाव थांनो सानबाय। गोबाव खालामा जासेनो गानै जोमै ओंखार थारबायबो बियो खकर मकरनो। अब्ला बेलासि सान हाबसिजाबायमोन।

बिसिगि मिथिसारमोननि गामिया गंसे नख’रनि सिङावनोव्लाबो एसे गोजान जालायो।

फोथार, गोथै बारि मोनग्रयो। बै फोथार गेजेर गेजेर गिथाव बाथाव गोबां जोख्लोब जुख्लोब ब्रैग्रि बिफां, लोखोना बिफां, बांग्रि लीडवा बिफां, गांसो बारि दंसो गारो। सनावनो बे थावनियाव गिथाव बाथाव खर’ सुबाव मोनखायो। बिसिगिया खिन्थायोमोन रासि खमफोरनि सिगाङाव बै थावनियाव सानाथिं बाथिं सिगियो, नुजादेरो होन्तानै।

बाश्रायाव दङ, जेराव मोसा थायो बेवहाय सान हाबो होननाय। थिख बै थावनियाव सौहैव्ला खोमसि रोमा रोमि जाहैबाय एसे खर’ सुबाव मोनखांबाय बियो। गिनायजों साइकेलनि फेबेलखौ एसे गोख्रैसिन जोबाय।

: ऐ नोंथां। मोखां सोमहाव लायनाय एसेबां होव्ला थाख्रैलै साइकेल सालायनाय। रथ’लै सुके सायकेला लाखिथ’।

साइकेलखौ दहमै ब्रेक हमनानै दोम लाखिना गिसं गासंङै राव फैनाय फारसे नायहरव्ला नुबाय बिसिगि मिथिसारसो गावनि फारसे आगान फोलाव बोगासिनो दङ। बिसिगिखौ नुहरनानै खोब खुसि मोनबाय बियो। गिनायाबो बोजोंबा खारलांबाय। गोसोखौ रेजें मोनफिनबाय। आरो बियो फिन राव हरफिनबाय–

: हेल्’! माय डेयार फ्रेण्ड। नोंथाङा बेवहाय? एसे राव सोलायना बुंफिनो गिलिर गोसोजों–

नोंथांखौ बिब्दि

रोखोमै नुफे बावगोन होन्ना

आंहामिजिं गैलियामोन। नाथाय

दासिमबोदि नोंथाङा.....।

थार माने दासिमबो खर’ गात्रियैनो दङ? मानसिफ्रा बयबो बुङोमोन, नाथाय आंनि खर’आ माव्लाबाबो गात्रि जाफेराखैमोन।

नोंथाङा सान्ना नायफेरबाय ने? थरसे बरफ थुखाया मानिबा जाहोनाव थेर बेथेर बायझायोव्ला बेयो अरजाब फिन्ना मिला माला जाफिना एफा–एफा गलिनानै बोहैनोसो

लामा लायो।

:जिउआ नोंथां

सान्नाय बायदि नेहाद मुवासे

बरफ थुखा जों रुजु जाथाव

नंखाय माबा बेसादफोर बायदि

नङलै नोंथां। नोंथाङ गावखौ

हमथानो रोंनांगौमोन। जेराव

दङ’ अनजालि नायल’ जाल’

सासेल’ बिनानाव, आरो दङ,

जेराव फुजिनां ज’रासे बिमा

बिफा बेल’। बिसोरो जिउनि

उन खोन्दोखौ नोंथांनि

सायावसो सोनारनानै दङ।

जेरावनाखि नोंथाङाल’नो

सासेल’ नेसॉन फिसा हौवा

नख’रनि। नोंथाङबो जुदि थत

गैयै जायोव्ला नख’रा सोरनि

सायाव थांगोन?

मिथिसार जेबोफिन राव

होफिनाव्लानो खोन्दोसे दुखुनि

गोलाव हांमाल’ बोस्रानानै

बिसिगि गोमसारखौ न’

फासॅल’ लिंबाय। गोमसाराबो

साइकेल नारना उन उन आगान

फोलावफाबाय। अब्ला

खोमसिया साग्लोब जोबनानै

मुलुगखौ मन’ग्लाब

जोव्बायमोन।

दिनैल’ नङा, गोबां खेब

बुंबोबाय, गोबां खेब

बुजायबोबाय गोमसारआ

बिसिगि मिथिसारखौ।

मिथिसारनि जिउयाव

मोनसे दुखु नोंथाव, गिथावना,

खौफोत, जानानै थादोंमोन।

अब्ला बियो फाइनाल

आनजादखौल’लिरखांदोंमोन।

बै जाथायखौ गोसोयाव

लायोव्ला दिनैसिमबो

गोजांमिव मोनखाङो। गोरबोआ

थेर बेथेर बायफ्लेनो नागिरो।

मिथिसारा गावसिनि

गामि गंसेनिनो दैमा गाथोन

खरसेयावनो दुगै लायग्रा दैखर

खरसेयावनो दै लोंलायग्रा न’

सुंसेनि सासे सिबिसुलि,

अनसुलि, धोरोमसुलि हानगारि

सरसथि होननाय सिख्लाखौ

जिउयै माहामै उन्दै समनिफ्रायनो

मोजां मोनबोदोंमोन। बिसोरनि

बे मोजां मोनज्लायनाया दैमुनि

दै बायदि गोग्गोमोन। अखांनि

जोमै बायदि मैला गैयैमोन।

बिसोर सानैनि मोजां

मोनज्लायनायाव गंनै नख’र

हाबो एसेबो हॅंथा गैलायामोन।

नाथाय बाश्राया फंसे

दङना, मानसिया सानो मुंसे

ग’साइआ सिफायो बिखौ।

सानसे बिब्दिनो जामारासै,

सरासथिनि सोलेराव हरखाबै

अजा डाक्टर फाहामनो हायै

व्लाद केन्सार जानानै होनायाव

थैनायसै। अब्ला बोरै

मिथिसारनि गोर्बोयाव मालाय

थेर बथेर बायफ्लेया जासे थानो?

बियो गाबै गाबै समाय लानानै

गोमसारनि सिगांझव बुंदोंमोन

बै दिनखालि सुखे। बे संसाराव

बेसे अन्थाय बिखा, बेसे

निष्टुर!! मालायनि गोजोनखौ

नायनो हायै दुथां!!! मोननानै

गोमा फिनजानाया बेसे दुखु

नांथाव।? बेनिखुइ दुखु

नांथावसिन माबा थानो

हाबावगौदा सुखे?

आंनो नॉलिया सुखे!

बे संसारनि गांनाय उखेंनाय

गासैखोबो। नॉलिया आंनो धोन

दौलद, नॉलिया आंनो जुलि

आरो संसार। गासैबो बिसोर

आंनि थाखाय नंखायजोब। बे

जोनोमाव आं सरासथिजों जुलि

जानो मोनाखिसै। बैफैगोन

जोनोमाव सरसथिजों जुलि

मोनलाय हैफिनथों होननानै

आफा अबं ग’साइनाव बोर बिबाय थासिगोन। आरो बे संसारनिफ्राय माव्ला बिदाय लायो बै दिनखौल’ आं नेबाय थासिगोन।

बै दिननिफ्रायनो बियो सान हर अरायबो गोसो जाव्लानो गोथै बारियाव थाहैग्रा जादों। सरासथिखौ सावनाय गोथै हाख’राव गाव्बाय थाहैग्रा जादों। ओइदिनबो गोमसारआ बिसिगि मिथिसारखौ गोथै बारियावसो लोगो मोनहैदों। बेखायनो बियो एसे बिसिगिनि सायाव दुखु मोननाय फोरमायदों।

गोमसारआल’ नङा, गामिनि, द’खानि मेलेमजिबि सुबुंफा गोबां हॅंथा होदोंमोन, गोबां बुजाय आजाय खालामदोंमोन जाय जैरे रोंगौ एरै। नाथाय बयनिबो नाजानाया फैमाल थांजोबनांदोंमोन। ससे जान्थाय अन्त’त फार्ल मोननैसोल’ गोजानाव थानाय दखरसे ग्रोम ग्रोम गामिआव लिंलांना नख’रसे नख’राव हाबहो हैयासै गोमसारखौ।

नख’रा मोजां।

नख’रनि साइज बायजफोरखौ नाइव्ला धोनिखौनो सानजायो। साहा गंसे ख’टा मोनथामनि आर.सि.सि. न’ खोलाहा ओंखाम संग्रा, सोनाबहा सौरा, सानजाहा बाख्रि। नख’राव हाबहैनाय लोगो–लोगो सोरबा सासे हिन्जावखौ सरासथि होन्ना गाबज्रिना आथिं सुनो दै बिहरदों मिथिसारा। खारि जानाय हिन्जावआबो दैख’रनिफ्राय दैखौ गोख्रै होफैदों। आथिं आखाइ सुस्रां होनानै ख’था सिङाव फज’ हैदों गोमसारखौ। बिसिगि खालाय जेननायनिफ्रायनो थांलाय फैलाय खालामबोदों गोमसारआ मिथिसार मोनहानाव। बिम्रानि नख’राव सोर साबेसे दङ बेखौबो मिथिजोबखागौ। जाय नख’राव हाबहैदों बे नख’रा नाथाय बिसिगि मोननि नख’र नङा। बेवहाय जौ गंसेसो बायनानै लांफागोन खोमा सानबाय मिजिसारखौ।

द्रथिं रुमाव फज’ हैबाय गोमसारखौ मिथिसारा। गावहा नख’रनिखा बायदि थांलाय फैलाय थथ बिथ खालामदों। दलत मासियाव जिरायना देहाखौ एसे मेंगा होबाय गोमसारआबो।

दान्दिसे उनाव सासे हायनारि सिख्लाया दै गिलाससे होफैग्रोदों। आरो सोंदों ग्रेसेम गारांजों–दै गांदोंमोन नामा? होननानै गाङाखैव्लाबो जु–जु लोंबाय। बनि उनाव चाहा गय इखान सिखान होफैबाय।

एसे गोबाव मोननानै गोमसारआ बिसिगि मिथिसारखौ बुंबाय– सुखे थांदिनि नामा? दायो बाराद्राय मोना हैया होम्बा? माबाफोर हाबा दङव्ला थाब मावदो।

: थांनो मोना? ब’बाव थांबावनो सुखे? नोंथांमोननि न’आव थांलिया होमव्ला? बेव मालायनाव....?

: अ! नङा माथो, आंथ’ नोंथांनो फोरमायनो बावदोंसोथ’

: माखौ?

: आं बावनो फैबाय नोंथां।

दहायसो नोंथानो दै गिलाससे आरो चाहा गय होफैनायानो नोंसिगिजो जाबाय।

: बेव फैबाय? थार माने नोंथाङ

बे नख’राव गोर्जिया थाफैबाय?

: बिब्दिनो होन्जाबाय। खनसे

गोलाव हांमा बोस्रानानै बुंनो जुरिफिनो गोमसारा दुखुजों–

: सुखेनिया हामाखिसै नामा? नख’रनि सासेल’ फिसा हौवा जानानै आय, आफा आरो नायल’ जाल’ सासेल’ अनजालि बिनानाव संगिनाखौ नेउसिबोना गोरजिया थाफैनाया? बुंनो थाङोव्ला नोंथांमोनहा बिदा बिनानाव दाउथु जरा बायदिसो होनजायोमोन?

: नोंथांखौ आं बुजिनो हाखादोंमोन बे बाश्राखौ नोंथाङ बुंखागोन, नागारनाय, नंखाया होन्तानै। नाथाय नोंथाङा फोथाया नामा, मानसिनि जिउनि हान्थिनांगौ लामायाजे ग’साइनि लिरखानाय बायदिस्सो थांनांगौ जायो।

: नोंथाङ आंनि बाश्रायाव दुखु मोन्नो नाङजे आंबो लुगैयाखै नोंथाङ हाबा लानो नाङ। नंगौ, सुबिधा असुबिधाया बयनावबो थाखायो। फासॅथिं आं दिनै नोंथांखौ हाबा खालामबाय होन्ना मिथिनायाव जोबोत गोजोन्दों। मानोना आं साख्रियाव थांनायनि सिगां नोंथांनि हालोदआ मा रोखोमाव दङमोन, दिनै गोबां सोलायफिन्नाय नुफैनायाव आंनि गोसोयाबो रंजा खांदों बिनानाव संगिनाजों आंजों मा बायदि नोंथांखौ बुजायनो नाजायोमोन, गोसोयाव गोलैयोना?

जा जानानै थांबाय सुखे बेफोर थांथोंसै, आं बे गोजोनबाय, नाथाय नख’रनि फासॅबो हानायखिनिखौ एसेया सहाय हरनांगोन। बेल’नो आंबो नोंथांखौ खालायनाय थाबाय। बेखौ आंबो साना नङा सान्दों सुखे। आंनि खाफालाव बे रोखोम जानानै थाबाय जेव्ला हानाय मानिखौ आंबो एसेया सहाय खालाम हरगोन। बावयैसोनि उनाव आं आय, आरो आफा मोनखौबो बेवनो दोनफेनो राहा लानाय जादों, बिनानाव संगिनानि हाबायाबो बायखाङोव्लानो। नोंथाङाबो संगिनानि हाबायाव हेफाजाब बोफैदो।

: नोंथांनि बिनानाव होनोव्ला आंनिबो बिनानाव सुखे। आं मालाय बोरै हेफाजाब होया थानो? बिदिव्ला संगिनाया जुलि जासिगोन?

: बावयैनो जासिगोन सुखे।

बेखायनो नोंथांखौ खावलाय खानाय जादों। बे बायदिनो गोबां बाश्रा सावराय फुबाय थानाय समावनो जायखौ सरासथि होन्ना खारिदों, मोन मिथिसारनि गोदान हिन्जावआ 8 पि.एम.फुल फाइल बटल गंसे आरो प्लेदयाव माबा बेदर एवनाय लाना ख’थायाव हाबफैयो। आरो कापआव लुनानै नांगौसेबां ज’खायै दै एफा एफा लुना होयो। दै गांहाबनाय मोसै बोरमा बायदि होफैस्लाब मौनै हां खुनफाथैनो हेब हेब बोबाय गोमसारा। ओरैनो इम्फलाव मनिपुरि हिन्जावफोर संनाय दैब्रां–ब्रां जोखौनो बोसोमखायो। बुंनो थाङोव्ला फौजि साख्रि मावहैनानै रासिन जौ लोंग्रा जाबाय गोमसारा। दसे यावनो खर’यावबो खारखोनाय मोनबाय।

राइज्लायनायफ्राबो ब्राव–ब्रावसिन जाबाय। नाथाय मा मा आयदानि सायाव सावरायखोमोन फंसेबो गोसोयावनो थायाखिसै गोमसारआ। बेखौल’नो एसे गोसोयाव थादों, साखाथियावनो थंसे मुसुखा बायदि थानानै जौ लुयै–लुयै होनाय

बिसिगिजोखौ खरनायफलांदों। नुनायव बियो एसेया गोमोदों। गिबियाव गोसो थोनाय सरासथिखौ बायदि नुदों। रायज्लाइनाय फाव फेसन महर मोखां आखल गियान मोनसेबो जुदा नङा। बेखायनो बियो गोनो गोथो सानफलांबाय थादों।

गोबां रोखोम सावराय होनलाय ओंखाम जाहोखां लोंहोखां गोजां बोथोरलाय बिसिगिजोया लेप तसकनि लेबबु थांलायनाय एमाव मोजाडै फुथुबाय गोमसारखौ। जौवा एसे जास्रोखानायजों जाबजों मुगासेयैनो अखा थंव्लोद उन्दुबाय बियो गोदो–गोदोनो। अखानायै फुङव सिरि मोनव्ला गुर्लांब बाग्दावनांबाय। गोमसारा। गावनि उन्दुनाय सोलेराव साननि रोदया नाफैना जि–जि दुंखाव फैबाय। मेगन थायनैखौ लासै बेखेवना नोजोर होव्ला नुबाय गाव बायजोयावसो उन्दुनानै दङ। दुबफुं ज’खानानै नायदलाबाय बियो सोरगिदिं। नुनानै गोजांमिव मोनखांबाय। सोरगिदिं जैरेबो लेथेर फेथेर दङ, गोथै बाथि, थिंख्लि गोबाय, खुरै, थुरिं बायख्लाब, जिख्लाब गिजि सिरि आरो दङ, खाथियावनो गोथै सावनाय हांगार, खान्दा, खुन्दा बन्थ, बुर्लां जालां खानाय, आरो बेग फासॅ दङ जाख्लोब जुख्लोब गाइझाब गुइझा बैग्रि बिफां लोखोना बिफां, बांग्रि लेउवा बिफां ग्री ग्री गाव उन्दुनाय एमखौ मोजाडै नोजोर होबावव्ला नुबाय थुरि गोरान गेलेमनाय सायावसो उन्दुना दङ’। उन्दुनायनिफ्राय दुबफुं सिखारना नुहरबाय गावनि साइकेला फांसे बैग्रि बिफां गुदियावसो सोनारना दङ’। बियो हमदांनो नाजाबाय, बाराद्राय जौ लोंनायनि थाखायसो बोरैबा बेसिम फैफोनां बायासोमोन नामा? गावजे बिसिगि मिथिसारनि न’यावसो उन्दुदोंमोन। आरो साइकेलखौ सोनाबहा न’नि खामसालि अवालावसो बिसिगियानो सोनारना दोनहै दोंमोन। बेयो बोरै बैग्रि बिफां गुदियावसो थाफैखो?

सानसनो हायाखिसै। आरो गोथै बारनि गिथाव महरखौ नुनानै गिखांनाया रासिन जाबाय। बियो गोख्रैनो मोजाडै खौरां लाहैनो साइकेलखौ बैग्रि बिफां गुदिनिफ्राय नारनानै लायना बिसिगि मिथिसार मोननिसिम थांनो साइकेलआव गाखोयासै। अब्ला फुंनि डाइन बाजिसो जाबायमोन।न’ सकनि सिथ्लाखौ खना खनला सिबम्रां नोंलोगो फुंबिलिया नोंसिनियाव थांदोंमोन संगिनाया। बे समावनो गोमसारआबो

साइकेलनिफ्राय ओंखारना रायदाव हैयो। : संगिना बिनानाव! मा मावदों?

: एफा फुङाव आदा, बबेनिफ्राय? आं लांगोनासो सिबम्रांनो फैदोंमोन।फेन’आव जिराय हैफैदो। गोसो गिलिर मोनना संगिनानि सोंंथिनि फिनखौ होनो गोनो गोथो मोनबाय गोमसारा। बियो सिथ्लासिम संगिनानि उन–उन साइके लखौल’ नारलांना इन्जुराव सोनारना संगिनानि जिरायनो होफैनाय मासियाव जिरायना लाग्रयो। बे समाव संगिनानि बिमा बुरै आरो बिफा बोरया उसुंनि दाबसे ख’नायाव अर सायगासिनो दङमोन।बिमा बुरैया केटलियाव माबा फुदुंदों। बोराइ बुरैनि हालोदखौ नायहरना, संगिनानि मोखा

গাহাম দেহানি রাহা

খোদোম বিফাড বিপি-সুগাৰ আৰো দেহানি লিৰ্থায়খৌ বাডা় খালামনায়াব মদত হোযো

আঁথিখালনি
লাইফস্টাইল আৰো জাগ্ৰা
আদাৰ জানায়নি হুদাফোৰা
সোলায়নায়নি জাহোনাব
সুৰুঁফোৰা বায়দি ৰোখোমনি
ৰেৰামফোৰনি মৈহুৰ জানাদোঁ।
মখ'নো গোনাঁদি, আঁথিখালাব
ফাস্ট ফুডআ সুৰুঁফোৰখৌ
গোখৌয়ে ৰেৰামাব খোখৌলৈদোঁ।
বেনি জাহোনাব সুৰুঁফোৰনি
গেজোৰাব গোৰাঁ ৰোখোমনি
জেনাফোৰ জাদোঁ। সৰসস্ত্ৰা মহৰৈ
সুৰুঁফোৰনি গেজোৰাব সুগাৰ, ব্লাড
প্ৰেছাৰ আৰো ডায়েবিটিজনি
জেনাখৌ বাঁসিনি নুনো মোন্দোঁ।
বেযো অৱৈৰাবদি ৰেৰাম জায়
সোৰনাৰাবোৰ খনসে
জাযোব্লানো বেযো
জোবস্কাঁলানায়নি মুঁ লায়।
মাখাসে সুৰুঁফোৰা বেণিফ্ৰায়
ৰৈখাথি মোনো থাখায় লাখ
লাখ ৰংখৌ মুলি বায়নায়াব
খৰসা খালামো। নাথায় থেবো
আৰাম মোনা। হেৰুথ
এক্সপাৰ্টফোৰনি বায়দিব্লো,
খোদোম বিফাড নোঁথাঁখৌ বে
জেনানিফ্ৰায় ৰৈখাথি হোনায়াব



মদত হোযো।

মাখাসে গুনফোৰজোঁ
ৰুঁফবনায় খোদোম বিফাডা
নোঁথাঁনি মাখাসে ৰেৰামফোৰাব
গোৰাঁ মূল্যম্ফা গোনাঁ ফোৰমান
জাযো। হেৰুথ
এক্সপাৰ্টফোৰনি বায়দিব্লো
খোদোমখৌ গোদো
গোদায়নিফ্ৰায়নো নখ'ৱাৰি
রাহাফোৰাব বাহায়নায়াব
জাযো। মখ'নো গোনাঁদি, বে
বিফাঁনি বিলাইফোৰা
ডায়েবিটিজনি ৰেৰামিফোৰনি
থাখায় গোৰাঁ মূল্যম্ফা
গোনাঁ জাযো। বেযো জৰ'খা
মহৰৈ টাইপ-2 ডায়েবিটিজনি
হেঁথায়ে গোহোম গোনাঁ জাযো।
বেখৌ জানায়জোঁ দেহায়াব

ইনসুলিননি প্ৰডাক্সনআ
কন্ট্ৰলআব থাযো, জায়জোঁ
ব্লাড সুগাৰনি লেভেলআ
সমানৈ জাযো।
খোদোমনি
বিলাইআ গাৰায়ফোৰখৌ
হামহোনায়ানি হাৰাফাৰি
মাৰো। লোমজানায়নি হেঁথায়ে
খোদোমআ গোহোম গোনাঁ
জাযো। বিনি বিগুৰজোঁ
বানায়না কাৰাখৌ লোডোব্লো
লোমজানায়া জানগাৰ জাযো।
এক্সপাৰ্টফোৰনি বায়দিব্লো,
খোদোমআব বেক্তিৱিয়েল
মোনায়া জাযো।

(বেখৌ বাহায়নায়ানি
সিগাঁ ডাক্ৰাৰনিয়াব সুবুৰু
লানায়া গাহাম।) □

সুপাৰষ্টাৰ থলাপতি ভিজয়নি সাবথুন 'জন নায়কন' নি ৱিলিজ অকট'খৌ ফোসাববায়

থলাপতি ভিজয়খৌ
সাত্থনি সুপাৰ ষ্টাৰ হোনা
মিৰ্ণাথনায় জাযো, জায়নি
সাবথুনফোৰখৌ প্ৰমশন
খালামাবাৰো সুৰুঁফোৰা
অন্যায়ো। নাথায় আঁথিখালাব
বিথাডা গিদিৰ পৰ্দানিফ্ৰায়
জানগাৰাব থানানৈ ৰাজখাথি
ফাৰসে আগান ৰাৰায়বায়।
বৰেখানি অন্সাইগিৰিফোৰনি
আখায়াব খাবু দ'ৰিথাঁখৌ
জোবথা খেব গিদিৰ পৰ্দাআব
নায়নায়নি, জায়নি ষ্টাৰখৌ
ৰাবৈসো সিগাঁ ৱিলিজ
খালামনায় জাদোঁমোন।
সাবথুননি মুডা জাদোঁ 'জন
নায়কন', জায় অফিসিয়েল 9
জানুৱাৰি 2026 আব গাৰ্চে
হাৰতনি সিনেমা হলফোৰাব
নুজাথিগোন। এচ ভিনথনি
দিহুনায়া আৰো কেৰিঅন
প্ৰডাক্সনাব বানায়নায় বে
সাবথুনজোঁ লোগোসে সাত্থনি
সুপাৰ ষ্টাৰখৌ অন্সাইগিৰিফোৰা
জোবথা খেব গিদিৰ পৰ্দাআব
নায়নো হাগোন, জায়নি জাহোনাব
অন্সাইগিৰিফোৰখৌ জোবোদ
এক্সাইটেড জানায়জোঁ লোগোসে
ইমশনেল জানায়বো নুনো মোন্দোঁ।
মকৰ সন্ক্ৰান্তি আৰো পংগাল



ফোৰোঁনি সিগাঁ ৱিলিজ জানো
নাগিৰনায় 'জন নায়কন'
সাবথুনা বক্স অফিসআব
দোহৌ সোমজিহোনো থাখায়
থিযাৰি জাৰায়। তামিল
সিনেমানি জাৰিমিনআ বেখৌ

ফোৰমান হোযো, পংগালআ
ৱিলিজ জানানৈ খনলে-খনলে
ৱিকিৰ্ড সফায়দোঁ, ভিজয়আ
বে খাবুআব জেব্লায়বো
গোৰাঁ হিট সাবথুনফোৰ
হোদোঁ, বেনি সিগাঁ গিৰি

নুথাই পষ্টাৰআ
ইণ্টাৰনেটআব দোহৌ সোমজি
হোদোঁমোন, জোৰাব ভিজয়খৌ
গংসোনৈ থানায় মোবিলবজোঁ
জোঁথি মাথি হোঁগো দোঁগোনি
গেজোৰাব সেল্ফি লানায়

দিব্ৰিথনায় জাদোঁ, জায়
গাবনি অন্সাইগিৰিফোৰজোঁ
লোগোসে বিৰ্ণাথি গোথৌ
সোমোন্দো থানায়খৌ নুনো
মোনো। জন নায়কন, জায়নি
অঁথিযানো জাদোঁ দা
পিপুল্স লিডাৰ। কেৰিঅন
প্ৰডাক্সন আৰো ফৰ্স
সাবথুনা মোনসে ৱৰ্ল্ডৱাইড
ৱিলিজ খালামনো থিযাৰি
জাদোঁ, জায়খৌ ফোসাবগোন
জাহাথে থলাপতি ভিজয়নি
জোবথা সাবথুনআ সাবথুন
মুলুগনি মোনফোম
খনাসিম সৌহোয়ো। চেৰ্ণাই
জা শিকাগ, মুম্বাই জা এৰা
মেলবৰ্ন, অন্সাইগিৰিফোৰা
জাৰিমিন সোমজিনায় নায়নো
থাখায় খৌসে জাগোন। □

ফাবখুঁগ্ৰি এমি জেক্সনআ নৈথি খেব বিমা জাবায়

সিংহ ইজ ব্লিঁ আৰো
ক্ৰেক বায়দি সাবথুনফোৰাব
গাবনি সমায়না বিফাব
হোবোনায়া এমি জেক্সনআ থানায়া
মাখাসে সাননিফ্ৰায় গাবনি
পাৰ্সনেল লাইফখৌ লানানৈ
খৌৱাঁ আব থাদোঁ। থানায়া
বোসোৰাব বিৰ্ণাডা ফাবখুঁগুৰ
আৰো মিউজিশিয়ান এড
থেষ্টমিকজোঁ জুলি জাদোঁমোন।
জুলিনি সিগাঁনো প্ৰেগনেট জানায়
এমিআ এণ্টিনিফ্ৰায় জানগাৰ
থানানৈ গাবনি প্ৰেগনেট ফেজখৌ
ৰংজানায় লাদোঁমোন।
আঁথিখালাব বিৰ্ণাডা
গোজোথ্যাব খৌৱাঁখৌ হোবায়।
এমি জেক্সনআ নৈথি খেব বিমা
জাবায়। বিৰ্ণাডা সাৰে
ফিসাজ্লাখৌ জোনোম হোবায়,
জায়নি গিৰি নুথাইআবো
সোৱাঁআব ফৈবায়। ফাবখুঁগ্ৰিয়া
সশেল মিডিয়াআব মোনসে



পষ্টনি গেজোৰজোঁ গাবনি
অন্সায়গিৰিফোৰনো গোজোথ্যাব
খৌৱাঁ হোদোঁ। এড থেষ্টথিতআ
24 মাৰ্চখালি মোনাৰিলি
সমাব ইন্সটাগ্ৰাম একাউণ্টআব
মোনসে সমায়না পষ্টনি গেজোঁ
মিৰ্ণাথি হোদোঁদি, বিৰ্ণাথোমোনা
গাবসিনি জিউআব সাৰে
ফিসাজ্লাখৌ ৰাৰায়দোঁ। এড
থেষ্টমিকআ গাবনি জোনোম
জাগোদান গথ' আৰো বিমা
এমিজোঁ জয়ে লানায় মাখাসে
সাবগাৰিফোৰ শোয়াৰ খালামদোঁ।

গিৰি সাবগাৰিয়াব এমিয়া
গাবনি জোনোম জাগোদান
গথ'খৌ বামনায়মোন আৰো এড
থেষ্টমিক কআ গাবনি লেডি
লাৰিনি খাবলায়াব কিস
খালামনায়মোন। মোনসেবাব
সাবগাৰিয়াব এমি জেক্সন
গাবনি জোনোম জাগোদান
গথ'নি আখায়খৌ
হমনায়মোন। মোনসেবাব
সাবগাৰিয়াব বিৰ্ণাথোঁ গাবনি
গথ'খৌ বামনানৈ খুদুমনায় নুনো
মোন্দোঁ। বে ব্লেক এন্ড ৱ্হাইট

সাবগাৰিয়াব এমিআ গাবনি
অনসুলা ফিসাজ্লাজোঁ ক্বালিটি
টাইম স্পেণ্ড খালামদোঁ। এমি
জেক্সনআ গাবনি উদৈ গথ'নি
মুঁখৌ অস্কাৰ দোন্দোঁ। এড
থেষ্টমিকনি পষ্ট শোয়াৰ
খালামনায় লোগো লোগোনো
সশেল মিডিয়াআব হামলাইথি
হৰনায়নি কমেণ্ট ফৈনো হমদোঁ।
এডনি সিগাঁ এমিআ জৰ্জ
পানায়িটখৌ ডেট
খালামদোঁমোন। গোৰাব
বোসোৰসিম সোমোন্দোআব
থানায়নি উনাব সানৈজোঁ জানুৱাৰি
2019 আব আস্থাম
সোলায়দোঁমোন আৰো 8 দাননি
উনাব সাৰে ফিসাজ্লাখৌ
জোনোম হাদোঁমোন। উনাব
সানৈজোঁ ব্ৰেকআপ জালায়দোঁমোন।
বেনি উনাব এমিআ গাবনি
জিউনি লোগোৱাৰি এড
থেষ্টমিকখৌ লোগো মোনো। □

'ছাৰা' সাবথুনা সংসদআব স্ক্ৰিনিং জাগোন



ভিক্ৰী কৌশল
ষ্টাৰনি জাৰিমিনাৰি সাবথুন
'ছাৰা' আ আঁথিখালাব গোৰাঁ
খৌৱাঁআব থাদোঁ। সাবথুননি
মোজাঁ ৱাঁ আৰজিনো হানায়
অৱৈৰগেৰনি সায়াব জেনা
সোমজিনায়নি গেজোৰাব
আঁথিখালাব 'ছাৰা'
সাবথুনখৌ লানানৈ মোনসে
গোদান খৌৱাঁ সোৱাঁআব ফৈদোঁ।
ৱিলিজ জানায়নি 39 সান
উনাব 'ছাৰা' সাবথুনা
সংসদআব স্ক্ৰিনিং জাগোন।
জোৰাব গাহাই মন্থি নৱেদ্ৰ মদি
আৰো ৰাজখাথি মুলুগনি
মাখাসে মুদাংগা দৈদেগিৰিফোৰা

সংসদআব থাফানানৈ ছাৰা
সাবথুনখৌ নায়গোন। 'ছাৰা'
সাবথুনা বে সোলিফু বোসোৰনি
বাঁসিনি খৌৱাঁআব থানায়
সাবথুনফোৰনি মাদাব মোনসে
জাদোঁ। বলিউডআবল' নডা,
ছাৰা সাবথুনা ৰাজখাথি
মুলুনাগাববো খৌৱাঁআব থাদোঁ।
সাবথুনাৱ দিব্ৰিথনায়
অৱৈৰগেৰনি সায়াব অৱৈৰাবদি
জেনা সোমজিদোঁ, দৈদেগিৰিফোৰা
গাবজোঁ গাবনো খুদ্রিলায়নো
হমদোঁমোন। বে সাবথুনা বক্স
অফিসআববো গোৰাঁ ৱাঁ
আৰজিগাসিনো দ'। সাবথুননি
মোজাঁ ৱাঁ আৰজিনো হানায়নি

গেজোৰাব দা সংসদআব বেনি
স্ক্ৰিনিং জাগোন। নিউজ 18 নি
ৰিপৰ্টনি বায়দিব্লো, সংসদআ
ফৈগৌ বৃহস্পতিবাৰখালি
বালয়গৌ অডিটৰিয়ামআব
বলিউডনি সাবথুনা
'ছাৰা'খৌ স্ক্ৰিনিং
খালামগোন। বে
হাৰাফাৰিয়াব গাহাই মন্থি
নৱেদ্ৰ মদি, মিৰুয়াৰি মন্থি
আৰো সংসদনি সোদ্রোমাফোৰা
বাহাগো লানো হাগৌ। বেল'
নডা, সম্ভানি মহাৰাজনি
বিফাব হোনায় ফাবখুঁগুৰ
ভিক্ৰী কৌশলজোঁ লোগোসে
সাবথুননি গাৰ্চে কাষ্ট আৰো
কু মেম্বাৰফোৰাবো থানো হাগৌ।
মাখাসে সান সিগাঁ গাহাই
মন্থি মদিআ 'ছাৰা'
সাবথুননি ফাৰসে
ৰাখায়াদোঁমোন। দিল্লীয়াব 98
থি অখিল ৰাৰতীয়া মাৰাটি
সাহিত্য সন্মেলননি গেজোৰাব
বিৰ্ণাডা বুদোঁমোনদি, মহাৰাষ্ট্ৰ
আৰো মুম্বাইআ মাৰাটি আৰো
হিন্দি সিনেমা মোনৈখৌবো
গোদান জৌগানায় ফাৰসে

সৌহৌহোদোঁ। টপ 5 আব হাইয়েষ্ট
গ্ৰেচিঁ সাবথুননি ফাৰিলাইয়াব
জায়গা আবগ্ৰিনো হানায় ছাৰা
সাবথুনা ৰাৰতআব 582 কৌটি
ৱাঁ ফালাংগি খালামবায় আৰো
ৱৰ্ল্ডৱাইড কালেক্সনআ 775
কৌটি ৱাঁসিম সৌহৌবায়। ৱশ্মিকা
মন্ডানা, অক্ষয় খান্না, আশুতপ
ৰাণা আৰো দিব্ৰা দত্ত বায়দি
মাখাসে ফাবগিৰিফোৰা গাহাই
ফাবআব দ'। □

সানি দেঅলআ লাহৌৱ 1947 সাবথুননি ৱিলীজনি সায়াব খৌৱাঁ হোদোঁ



জায়খৌ বিৰ্ণাথি
অন্সায়গিৰিফোৰা নায়নো থাখায়
নেনানৈ দ'ড। বেনি গেজোৰাব
মোনসে আ আমিৰ খান
প্ৰডাক্সননি বেনাৰআব
বানায়জানায় লাহৌৱ 1947
সাবথুনআ দ', জায়
আঁথিখালনি মস্ট এণ্টিসিপেটেড
সাবথুনফোৰনি গেজোৰাব মোনসে।
গাদাৰ 2 নি জাফুঁসাৰনায়নি

উনাববো সানি দেঅলনি লাহৌৱ
1947 সাবথুনখৌ এনাউন্সমেণ্ট
খালামনায় জাদোঁমোন।
অন্সায়গিৰিফোৰনি গেজোৰাব
সাবথুনখৌ লানানৈ উসু-খুথু
জানায় বেনি থাখায়বো, মানোনা
গিৰি খেব সানি দেঅল, আমিৰ
খান আৰো ৰাজকুমাৰ সন্তপীআ
জয়ে খামানি মাৱগাসিনো দ'ড।
নাথায় দাসিমবো সাবথুনজোঁ

লোব্বা থানায় পষ্ট শোয়াৰ
খালামনায় জায়াখৌব্লাবো,
নাথায় ফাবখুঁগুৰআ মোনসে
গিদিৰ এনাউন্সমেণ্ট
খালামবায়। জাট সাবথুননি
ট্ৰেলার লন্ড ইথেণ্টআব সানি
দেঅলআ মিথিহোদোঁদি,
গাবনি গোৰাব বোসোৰনি
সিমাডা দাসে আৰু জানো
নাগিৰদোঁ। বিৰ্ণাডা গাব জে
ৰাদি প্ৰজেক্টফোৰখৌ মাৱনো
লুৰৈমোন বৌ দাসো মোন্দোঁ।
বে গিদিৰ প্ৰজেক্টআব
মোনসে আ লাহৌৱ 1947
আবো দ'ড, জায়নি
ৱিলীজখৌ লানানৈ
ফাবখুঁগুৰআ গিদিৰ আপডেট
হোদোঁ। ইথেণ্টআব সানি
দেঅলআ বুদোঁদি, আঁ গিদিৰ

প্ৰজেক্ট খালামনো লুৰৈমোন
আৰো আঁথিখালাব বে
সিমাহা জাফুঁসিগোন। লাহৌৱ
1947 সাবথুনআ বে
সোলিফু বোসোৰাবনো
নুজাথিগোন। বৰেখানি
বিৰ্ণাডা বেখৌ
মিথিহোয়াখৌদি, ফৈনো গোনাঁ
সাবথুনআ মাৰ্ণা সিনেমা
হলফোৰাব নুজাথিগোন।
সাবথুনখৌ ৰাজকু মাৰ
সন্তপীআ দিহুনগোন, জায়
গাবনি জাৰিমিনাৰি
সাবথুনফোৰনি থাখায়
মিথিজাযো। বিৰ্ণাডা গান্ধী
গডসে এক যুদ্ধ আৰো দা
লিজেণ্ড অফ ভাগত সিংহ
বায়দি সাবথুনফোৰখৌ
বানায়দোঁমোন। □

ফাবখুঁগুৰ শিহান হুসৈনিআ চেৰ্ণাইনি মোনসে দেহা ফাহামসালিয়াব জিউ গোমাৰায়

ফাবখুঁগুৰ শিহান হুসৈনিআ চেৰ্ণাইনি মোনসে দেহা
ফাহামসালিয়াব ব্লাড কেম্সাৰজোঁ জিউ গোমাৰায়। বিৰ্ণাথি নখ'ৰআ
মংগলবাৰ 25 মাৰ্চখাসি বে খৌৱাঁখৌ মিৰ্ণাথি হোদোঁ। বিৰ্ণাথি ফেজবুক
একাউণ্টআব নখ'ৰনি সোদ্রোমাফোৰা মিৰ্ণাথি হোদোঁদি, বিৰ্ণাথি গোথৈ
সহ'খৌ মোনাৰিলিসিম বেৰেণ্ট নোগোৰআব গাবনি থাৰা ন'আব
দোনায়া জাগোন। পষ্টআব লিৰদোঁমোনদি, 'আঁহা বেখৌ মিৰ্ণাথি
হোনায়াব জোবোদ দুখু মোন্দোঁদি, এচইউআ জোঁখৌ নাগাৰনানৈ
থাঁবায়। এচইউআ মোনাৰিলিসিম বেৰেণ্ট নোগোৰাব থানায় গাবনি
ন'আব হাই কামান্ডআব থাগোন। মোনসে পষ্টআব লিৰদোঁমোনদি,
আংগোনি আৰেক্‌যাৰ্স, পেৰেন্স আৰো কচ জায় সুৰুঁফোৰা বিৰ্ণাথি গোথৈ
সহ'খৌ নায়নো থাখায় বিৰ্ণাথি ন'আব ফৈগোন, অন্তানৈ গাবৰা
গাবনি ড্ৰেসআব ফৈদো, জুদি হায়োব্লা ৰোৱলা আৰো তিৰখৌবো
লাবোফা, লোগোসে মাখাসে তিৰ গাবথোঁ। বিৰ্ণাথি গোথৈ সহ'আ 7
ৱিগাসিম হাই কামানআব থাগোন। সাফ্ৰোমবো আৰেক্‌যাৰফোৰা
মোনাৰিলি 5 ৱিগায়াব মাখাসে তিৰ গাবগোন। সাফ্ৰোম কাৰাটে
গেলেগ্ৰাফোৰা সানজৌফু 3 ৱিগাসোআব গাবসিনি গিগোঁ লোগোসে জ'
জাগোন আৰো কাৰাটে খালামগোন। মোনাৰিলি 7 ৱিগানি উনাব
বিৰ্ণাথি গোথৈ সহ'খৌ মদুৰৈআব লানায় জাগোন। বে দাননি
জাগায়জেনায়াব মোনসে ফেজবুক পষ্টআব শিহানআ বুদোঁমোনদি,



বিৰ্ণাডা মেডিকেল ৱিচাৰ্চনি থাখায় গাবনি দেহাখৌ দান হোবায়।
পষ্টনি মোনসে লাইনআব লিৰদোঁমোনদি, বেয়াব মুঁসাই হোবায়।
বেখৌ মেডিকেল ষ্টুডেণ্টফোৰা এনাৰ্টিম সোলোঁনায়নি থাঁথিৰজোঁ বাহায়নো
হাগোন। আঁ গাবনি থৈনায়নি উনাববো ট্ৰেঁনি লানায়াব বাহায় জাগোননি
থাখায় জোবোদ গোজোনায়া মোন্দোঁ। থৈনায়নি থাখায় থিযাৰি
খালামদোঁ, নাথায় আঁ জেনায়াব নডা। শিহানআ কে ৰালাচন্দ্ৰনি
পুনাগাই মনন' নিফ্ৰায় গাবনি এণ্টি কেৰিয়ারখৌ জাগায়দোঁমোন।
বিৰ্ণাডা থৈলাইকৰন, উনাই সলী কুজামিলি, ভেদান মাই ইণ্ডিয়া,
বদ্রী, কাথু, বাকুলা ৱেণ্ডু কাথল আৰো চেৰ্ণাই সিটি গেষ্টাৰ্স
বায়দি সাবথুনফোৰাবো খামানি মাৱখাঁবায়মোন। □

কলিন হুৱনি ব্ৰেীটনি সাবথুন 'ৰূপান্তৰণ'নি ৱিলিজ অকট'খৌ ফোসাববায়

কলিন হুৱনি
উপন্যাস ব্ৰেীটনি গোৰাব সম
নেনানৈ থানায় সাবথুন
'ৰূপান্তৰণ' আ 15 মেখালি
সিনেমা হলফোৰাব নুজাথিগোন।
বেব এন হেথবে, ডকতা জনসন
আৰো জশ হাৰ্টনেট বায়দি
ষ্টাৰফোৰনি মোনসে সমায়না
কাষ্ট দ', জায় গাহাই বিফাব
দ'। মাইকেল শাৱাল্টৰনি
ডায়েক্সনাব বানায় জানায় বে
সাবথুনআ গোৰাঁ খৰষ্ট'
খালামগাসিনো থানায় লিগিৰি
লভেন এশলীনি সায়াব বিৰ্ণা
খালামজানায়। বৰেখানি
লভেননি খামানিয়া মোনো



গোব্ৰাৰ থাৰাৰিয়াব সোলায়ো।
স্ক্ৰিনপ্লেখৌ নিক এণ্টক্সায়া
লিৰদোঁ, জায়খৌ ব্ৰান্স ন্যু চেৰি
প্লেৰাৰ আৰো দা একট'আব
গাবনি মোজাঁ খামানি
মাৱনায়নি থাখায় মিৰ্ণাথি
জাযো। স্ক্ৰিপ্টখৌ থানায়া
ড্ৰাপটআব মাখাসে লিগিৰিফোৰা

খামানি মাৱদোঁ, জোৰাব কলেন
টুৱৰআ গাববো দংফায়ো আৰো
গাবজোঁ লোগোসে লেৰেন লেঁথিনু
হিলিৰ সিটজ, এণ্জেলা লম্মা,
মিল হনলে আৰো এপ্ৰিল
মৈগুৰআ দংফায়ো। সাবথুনখৌ
এণ্টেস্কা, এলেক্স হেডলন্ড,
ষ্টেশী, শেৰ, শাৱাল্টাৰ, জৰ্ডনা

মালিক, হাটবে আৰো হুৱৰআ
বানায়দোঁ। বেযো হুৱৰ উপন্যাসনি
নৈথি গিদিৰ সাবথুন, জায়খৌ
'ইট এন্ডস উজ অস' নি
উনাব বানায়নায় জাদোঁ, জোৰাব
ব্লেক লাইভনি আৰো জাৰিষ্টন
ৰাল্ডনিআ বিফাব হোদোঁমোন।
বে সাবথুনা মোনসে ষ্টিলপাৰ
হিট জাদোঁ, জায় গাৰ্চে হাৰদাৰ
346 মিলিয়ননিখুইবো
বাঁসিনি ৱাঁ আৰজিনো হাদোঁ।
বৰেখানি ইট এন্ডস উজ
অস' সাবথুনা দাসিমবো
লাইভনি আৰো ৰালডনিনি
গেজোৰাব মোনসে আয়েনাৰি
জেনায়াব গোগলৈনানৈ দ'। □



গুনত্সব 2025 নি ফিথাই - ফোসাবনাৰ

আৰো
গুনত্সব 2024 নি 11,594
ফৰায়সালিফোৰনো এ+ গ্ৰেড হোনাৰ হাবাফাৰি



আৰ'হন বিথাংখিনি গেজেৰ্জোঁ
সা 4,320 ফৰায়সাফোৰনো
টেব্লেট সন্নাৰ



সমগ্ৰ শিদ্ধা, আসামনো আইএসঅ
9001:2015 সাৰ্টিফিকেট গথায়নাৰ



ড° হিমন্ত বিশ্ব শৰ্মা
গিৰি মন্ত্ৰি, আসাম



গাহাই আলাসি

ড° হিমন্ত বিশ্ব শৰ্মা
গিৰি মন্ত্ৰি, আসাম

মাননি নুজাথিগোন

ডা: স্নজ পেগু
সোলোঁথাই বিফাননি মন্ত্ৰি,
আসাম

গুনত্সব 2024 নি জিলা বায়দিয়ে গ্ৰেড এ+ ফৰায়সালিনি অন্জিমা

ফাৰি নং.	জিলা	স্কুলনি অন্জিমা	ফাৰি নং.	জিলা	স্কুলনি অন্জিমা
1	বাক্সা	208	18	কামৰূপ (মেট্ৰ)	203
2	বৰপেটা	514	19	কামৰূপ	546
3	বিস্বনাথ	251	20	কাৰ্বি আংলং	82
4	বড়াইগাব	289	21	কক্ৰাঙ্গাৰ	131
5	কাচাৰ	816	22	লক্ষিমপুৰ	274
6	শাড়াইদেউ	277	23	মাজুলী	117
7	চিৰাং	53	24	মৰিগাব	636
8	দৰং	388	25	নগাব	579
9	ধেমাজি	426	26	নলবাৰি	404
10	ধুবুৰি	617	27	শিৱসাগৰ	432
11	ডিব্ৰুগড়	666	28	সনিতপুৰ	312
12	ডিমা হাঙ্গাউ	27	29	সাঁউট সালমাৰা-মানকাচাৰ	68
13	গবালপাৰা	495	30	শ্ৰীভূমি	511
14	গলাঘাট	528	31	তিনিচুকিয়া	560
15	হাইলাকান্দি	341	32	উদালগুৰি	160
16	হজাং	222	33	বেষ্ট কাৰ্বি আংলং	38
17	জৰহাট	423		গাসৈ	11,594

থাবনি: শ্ৰীমন্ত শংকৰদেব হাৰিমায়াৰি সাবৰায় ন'ব্লাং,
শ্ৰীমন্ত শংকৰদেব কলাক্ষেত্ৰ, পান্জাবাৰি, গুৱাহাটী

অবট': 27 মাৰ্চ 2025 | সম: 11:30 হিঁগায়াব

ফৰায়সালি সোলোঁথাই বিফান আৰো সমগ্ৰ শিদ্ধা, আসামনি বান্জায়নাৰাব

ফৰমাযথাৰ আৰো সুবুঁ ফোনাংজাব বিথোনগিৰি মাৱখ', আসামজোঁ ফোসাবজানাৰ

Connect with us @diprassam dipr.assam.gov.in

Janasanyog/DF/2074/24/26-Mar-25